

نجوى عبد النور مصرى
(نجوى المصرى)

حديقة الإنسان

أشعار بالعامية المصرية

صدرت الطبعة الأولى فى أغسطس 2018



نجوى عبد النور مصرى

بطاقة الكتاب

عنوان المؤلف	: حديقة الإنسان
المؤلف	: نجوى عبد النور مصري
إسم الشهرة	: نجوى المصري
التصنيف	: أشعار بالعامية المصرية
رقم الإيداع	: 2018-13121
الترقيم الدولي	: 978-977-6656-32-1
عدد الصفحات	: 100 صفحة
رقم الإصدار الداخلي	: 217 طبعة أولى فى أغسطس 2018
تصميم الغلاف والتنسيق	: الشاعر محمد الساعى

جميع حقوق الطبع والنشر محفوظة للمؤلف، ولا يحق لأى دار نشر طبع ونشر الكتاب الا بموافقة كتابية من المؤلف

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

البريد الإلكتروني: alnilwaalfourat@gmail.com [alnilwaalfourat](https://www.facebook.com/alnilwaalfourat) [alnilwaalfourat](https://www.instagram.com/alnilwaalfourat)

المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنترال 13 - قمار 304

ج.م.ع. محافظة المنيا - أبو قرقاص - شرق الزمعة - خلف محطة السكة الحديد - هاتف 086214428

ج.م.ع. محافظة القليوبية - مركز طوخ - إيمى - هاتف 0132424735

(الفرع)

إهداء

إلى كل أحابي
أسرتي
وطنني
أصدقائي
قرائي
أقدم لكم جميعاً ثاني أعمالتي الإبداعية
عليها تعكس حبي لكم جميعاً

نجوى المصرى

ثورة زوجة ثانية

لا اقبل كونى ثانية لا اقبل دور البدلاء

لا اقبل كونى امطارا لسهولك لو شح الماء

لا ارضى ثانى قائمتك او كونى ثانى الاسماء

لا اقبل سرقة نظراتى او خجلا أو اختفاء

لا اقبل باقى اشواقك قطرات تبقى بأناء

وتكون الاولى عيناك واکون ترابك وحذاء

تسكننى انت بجحور واعيش حياة الحرباء

لا ارضى كونك تحكمنى وانا جارية بفناء

فهى من تتبع خطواتك من الف الحرف الى الياء

هى من تدخل مخدعها بسهولة لا تلقى عناء

هى من تعطيك بيدها لو مرضت الدواء

هى من توقظك صباحا لتصارع يومك بشقاء

هى التى تلمسك ،تعانقك و بلا استحياء

هى من تتسوق معها وتذوق متعة الشراء

هى التى تغضب وتثور عليك كيفما تشاء

هى التى تفتح الباب لك وتسقيك الماء

هى التى تغسل ملابسك بيضاء وسوداء

هى التى تلف ذراعها ذراعك فى الشوارع والاحياء

عد اليها فهى الوطن وانا مساكن الايواء

هى التى فى بطاقتك اسما، هى ام الابناء

هى التى زفت معك فى عرس ورقص وغناء

اما نحن فالظلام ساترنا هاربين لو هرب المساء

سارقين من السعادة جزءا وليس باقى الاجزاء

خاطفين فرحة يعقبها تنهدا وبكاء

فانا اعيش فى فقر وهى فى اوج الثراء

انا اعيش فى صمت وهى فى ضوضاء

انا اعيش منحنية وهى فى كبرياء

انا اعيش جائعة وهى صابها امتلاء

انا اعيش منتظرة وهى من لقاء للقاء

انا اعيش ميتة واقفة على مقعد البدلاء

كابوس فى ليلة 30 يونيه

30 يونيه حته يوم

نصه حقيقه ونصه فى نوم

حزن وضيقه وقهر ولوم

ويا رئيس بلاده بتهون

ارهب شعب بدين وديون

بكى حضاره بقالها قرون

كان العالم بيها مفتون

حرم عيشه آداب وفنون

نقب وشة وساب لة عيون

نقب فكرة فى حبس عقول

ومن تعبى نمت حلمت ببليدي

حاكمها ناس جم خدوا ولدى

خدوا مراتى ومعاها بنتى

لموا بيتى واكلى وشربى
اصرخ واصرخ ولا يسمعى
لابس اسود وسلاح بنى
ناس غريبه جوه فى اوضتى
شفت ايه كمان فى حلمى

شوراع فضيت اهرامات وقعت
متاحف فرغت مصاحف صرخت
ناس امننت وناس كفرت
عيال جرئت شباب هربت
اجراس وقعت مساجد قفلت
غربان ظهرت جثث نزلت
رؤوس اتقطعت حبال شنقت
بحار بلعت وبلد خربت

قمت مفزوع من نومي شربت
صرخت يا مصر يا حبيبة القلب

رئيس يعمل كده فى الشعب
نعدى يناير ومشوار صعب
وندخل غابه كلها رعب
اسود ونمور وحاكمهم ذئب
هو انا فى بلدى اتدبست؟
ولا انا لبلدى قتلت؟

قمت بسرعه لبست نزلت
وفى شوارعها سرحت وهمت
جعت رحت لسورى اكلت
قالى بحزن (البلدى سبت)
مصر خدتنى وفيها عشت
جيش معاك يبقى اتطمنت
لو سنه عدت شال الظلم
فتح قميصه قاله اتلم
فرد الكرسي قام وضم

مفتاح بلده عنده اهم
سفينته هتمشى فى مصر الام
واللى يعارض معندوش دم

واتارى قرار اتقال للكل
وانا يا خبتى نايم فى الحلم
مكنش كابوس دا اجمل حلم
بلدى قامت من جوه الغم
بلدي قامت من جوه الغم

رسالة إلى مصر

اياكى تكونى فاكـره لما تخنقـينى هـكرهـك
ولا عشان على رقبـتى حبالـك و ف قبضـتك
تجوعـينى تعـطشـينى اقـسى اوـى مش هـهـجـرك
مش هـكـفر بـيـكى بـس و الله لا عدل دفتـك
ممـكن اكره اللى حـكمـك اللى قـسـاكـى و بـدلك
ممـكن بـمـيزانـك العادل القوم
دلوقتى و احـكمـك
فاكره لما نـديـت حـريـه و عيش كـنت عاشـق لـقـمـتك
عـيشـتـينى بـالعـيش و حـبـيت على ما تـقـفى مـلـحـتك
و نـسـيت ان اللى بـناكى حـلـوانى بـألـحـلو شـكـلك

جريت جوه ميادينك اشحت من الدنيا حريتك
شلت فوق دراى حيك وشلت ميتك
ضربتيني بعصياتك بقضبانك ببردك وميتك
ثوره وثورت موت ومت وتشهد بموتى تربتك
يا بلدى انا ابنك انا كفنك انا لفتك
انا حضارتك وسلاحك انا فاتح بارلفيك وسكتك
انا طينك بريحة ترايك انا عبيرك ووردتك
انا درسك الاول ضمير وضميرك ليا قسوتك؟
انا الكرسي اللى وقع طغائك وبدلة بحريتك
انا اللى هان عليكى دمه ولا هانت دمعك
كفاياكى قسوه ،هدومى لو لمتها فى شنطتك
تذكرتى لو قطعتها ،اتقطعت عنى جنتك
فين حريتى وعيشى فين ضحكى فى حتتك
كفاياكى تقطيع فى بدنى ،

لبسينى توب الفراعنه وكسوتك
خلينى ملك يحكم بأمرك مش بأمره وقسوتك
القسى زى ما تقسى غربتى جوه غربتك
بس والله ما هسيب السوس يسوس سنتك
يا عروسة النيل بصيلى بصره
انا اللى بجرى ميتك
ادينى من خيرك حبه ،
الحب اديتك انا فين من مهجتك؟؟؟

انتیکات

انتیکات انتیکات

حیاتك لوحه فی محل انتیکات

فیها حته متصوره وحته متعوره وحته رسومات

فیها حته متبروزه وحته ساكنها الجن ساعات

اتفرج على حیاتك بس اضحك من سكات

بندخل البرواز فی زفه ونخرج منتهی الخفه

نتذوق للحیاه بهفه والموت ندخله فی لفه

ندخل سیرکنا بنمره ونخرج منه بنمره

نبرتع فی براوزنا وخایفین من الجمره

بیوت تزورنا ونزورها وللمقام نروح عمره

ونعمل زار لامراضنا ولو زارنا نقول بره

ونرجع البرواز ننسى و تانى تبتدى الكره
نشوف الغلظه بعين وعين تجرى على الغلظه
وللمحنه تقف جون وغصب تتحرك الشبكه
وكوتشينه بتلعبها تقول جوكر عاوز زقه
تبدل سنه بسنه وعينك باصه على الجنه
وبرواذك عاوز دعوه عاوز نغمه عاوز رنه
مبتلمعش بروازك ولا تبص بعين الرأفة
مبتكلمش الوانك و قطعك تعمله برفه
مبتساعد بمجدافك ولا تمسك اوى الدفه
نحب البعد والهجره فى حضن الغرب نتدفى
ولو نسأل جاى امتى؟ تقول اصلى بأخذ لفه
ونرجع نبكى ع السهرة وع الغزوة وع اللمه
تحب تتطلع العالى مع انك طابب كفه
تحب شكل بلياتشو مع انه كذب كدبه
على عجله تشوف عمك وتكرهه موت و بالزمه

تحفظ فى التاريخ كلمه وبجره تروح شايل كلمه
تحب تقطع البصله ولو نزلت تانى الدمعه
بنربط الحياه بأبره وتخلص لفه البكرة
وطلعت اللوحه دى رسمه، وطلع الانتيكه انتة

حزن بالألوان

الحزن مش بالاسود الحزن بكل الالوان
كان يا ما كان واحد حزن لبس اسود
ولسه حزين مع انه لبس الوان
لبس احمر صرخ الاحمر من على الفستان
لبس ابيض غسل الدمع قلبه من الاحزان
لبس ازرق تاه مع الاسود ماخله يبان
الابيض بلون الكفن والاحمر نرف الوان
والعين اتكحلت اسود خلت ننى العين فرحان
الحزن مش صورة على الصدر
عمال يقلب فيها اللبس
الحزن صورة فى القلب

محفورة وما يطولها اللمس
الحنن ليل ما عرف شمس
ينكسر ببسمة ويرجع تانى يهمس همس
الحنن مش دمة على الخد
يمسحها منديلك او اى حد
الحنن سيل من القدم لليد
يجرف فرحتك من جمعتك للاحد
يجرف ضحكك ولو ضحكت بجد
الحنن بير فيه ذكرى ووردة وود وود
ارمى فيه مهما ترمى مرارته ع القلب تنرد
ماهو حزن النفوس الوان
نفس ساكنها انات ناصبة فيها مخيمات
ونفس بتتن بس واخده مسكنات
الظاهر فيها عادى اما من جوة حكايات

نفس ماشية تكسر ف الاشارات
ونفس ماشيه على حبل ولا البهلوانات
ونفس ماشية تلملم فى وشوش الناس حاجات
تجمع من وشوشهم ملامح لاحبه وعمر فات
نفس خارجه من جواها تتفسح
ونفس جواها اكبر واعظم مسرح
ونفس متعورة وللشفا بتسمح
ونفس متجيسه وجبسه بيبطح
بس النفس اللى طارت للسما انجح
كسرت سجنها وطائرة تتمرجح
يهف هواها على العايشين وينفح
والعايشين من هواهم متعلقين فى مدبح
شوق الاحبة سكاكين مرة تقطع ومرة بتدبح

ورق العنب

هممت اقطف لامي ورق العنب

فغازلني عنقود عنب

فمدت يدي عن كذب

وجدته لامع كألذهب

كنجم كقمر بلا عجب

فطار عقلي وذهب

فهو صادق بلا كذب

صافى بلا رسب

رباني بلا سبب

عالي بلا قرب

مستقيم بلا حدب

ملئ بلا جدب

فقطفته هو دون الورق
فأنا اول من تقدم لخطبته وسبق
كأنه يناديني باللون والعبق
أخذ من الجواهر جماله وسرق
ومن تغزلى فيه اندى حبه وعرق
وصاح ديك وحمار نهق
ووقت فر منى كألبرق
ونادت امى لقد شاط المرق
ومر بى الوقت ومرق
ولم أكل ورق العنب
أكلت حبات الذهب
وأكلت ضرب بلا سبب

بائعة الفل

ابيع الفل للعاشقين متغافلا عن الاسماء
فرحا بقذاره المال عن بياض فل وضاء
اوراق و عملات تأسرني وتملا في بطني خواء
فاوراق الفل تسقط عند اول انحناء
لونها يذبل لو جاء بقوته المساء
اما لون النقود لا ينتهي انتهاء
فلى معدة تتلوى ليس فيها الا ماء
ودوار بحر جائني فشارعى بحر وخلاء
لى صبر ايوب على البكاء والبلاء
ابدا يومى ببسمة للانام وثناء
وانهيه بعبس ويصبح الفل داء

كل يهدى فلا لحبيب وانا فلا اهداء
 كل يحمله فرحا وانا احملة بنداء
 كل يشتم رحيقه وانا بلا شمم وكبرياء
 الفل صديق دربی والدرب شمسہ سوداء
 قيل نهارك فل؟؟ فكيف والفل فقر وعناء
 فبیتی سورا ،كوبری قلبه حديد البناء
 ارضا تذيب حذائي وشارع يعج ضوضاء
 سماء تمطر وعیننا تمطر بكاء
 برد يكسر عظمی وصدر صوته عواء
 كرهت فلی وضاق صدري اختناق
 مللت یدی تعرقا لعود الفل عناق
 رغيف هو املی وله كل اشتياق
 ام ،اب،اخت،اخ واين الرفاق؟
 انا حقا من يعمل على قدم وساق
 انا بلا مأوى بلا امل بلا آفاق

المراهق العاشق

العشق لى ام لمن يكبرنى سنا
كيف وقلبى قد نرف دمعا؟
قلبى خلط من نارا ودماء
عنى كجر بكاء وسهرا
جبى لو رآه صب مطرا
دى ترتعش لو سلمت لمسا
كم كذبت وحبك اكثر صدقا
كم ضحكت وحبك زادنى حزنا
كم جننت وحبك خوانى عقلا
حبك خلط من مرا وخمرا

نارا تشتعل ولا تصير فحما
من يلقي فيها بالعنف حطبا
لو اطفئت بماء تحول زيتا
لو نسيت الابحار ازدت عمقا
افسارق قلبي اكبر لصا؟
حبيبا ام عدوا انسا او جنا؟؟
يتهاوى اى جمال امامك خجلا
جمالك رقة وشعورا وهمسا
تحدثت فأكتشفت ان لك صوتا
تخرج الكلمات من فيك عذرا
تريد ان تخذ فيه خلدا
مللت شرفتي انتظارا وسهدا
شاخت عيني من التتبع نظرا
ولمعت لو لاح طيفك قربا

الاولانى كسرت فى يدى غصبا
انا شابا ام عجوزا ام كهلا؟
ضاق صدر امى بى وزهدت اكلا
فأحضروا لى طبيب الهوى فورا
فأنا صرت من صمتى ابكما اصما
اذن فالعشق لى انا ايضا
العشق لعاشقين الدنيا حقا
انا الشهيد فى ساحته قتلا
انا الذى شاخ وتضاعف عمره عمرا
فالهجر ظلما وظلما وقبرا وموتا

رحله لم تكتمل

اعددت عدتي وتأهبت لرحلتي
أتنفس الليل أملا لنهار يشق بلدتي
عين شوق وعين للفجر شهوتي
يوم سألهو وأفرغ فيه قوتي
أقتسم اللعب وتحمر منه وجنتي
أوصيت خلى ان يكون رفيق مقعدى
ممسك بكورتي وطائره من ورق صحيفتى
ولاح الفجر بعد ما اقتحم الضوء شرفتى
فأذ بسقف اصبح فى ارض غرفتى
وبيت صار ظل من اطلال مدينتى
واريكه تحمل اوراقى وشنطتى
حملت ثرى ناعما كحل مقتلتي

وأناس يحملوني انا واسرتي
وعدوا اغشاه فكره فافسد فكرتي
أعماه طمع فأخذ حلمي وبلدتي
أخرجني منهم وأخرجني من غفوتي
جرح غائرا آفاقني وألم في يدي
ونزف كنهري في جبين جدتي
!وسيل دمع من امي، فيا لقسوتي
كيف لم احمل سلاحا في وجه معتدي
وحملت انا الى قافله وكانت هي رحلتي
سوريا كانت موطني ومصر صارت غربتي

مسجد جنب بيتي

كان في مسجد جنب بيتنا بيت
على صوت آذانه نمت انا وصحيت
صلاه العصور الفجر وليالي العيد
والله اكبر (اكبر) ولا ليها نسيت
وجنب المسجد كانت توته من توتها انا اتغديت
ابويا زمان كان قالى المسجد لله بيت
لو دخلته اكون حافيه ولراسى انا غطيت
واعدى عليه ساكته ولصوتى اكون وطيت
وساعة المدفع على كوبايه ميه جريت
اروح افطر معاه حتى لو سبقته و اتعشيت
معاه لعبت معاه فرحت معاه حزنت و اتربيت

ولا المسحراتى اصحى يا نائم
اقوم آكل حتى لو مكنتش صايم
كلنا واحد مع اختلاف لون العمايم
عمه سوده محبه وببيضه توحد الدايم
وصليب مع سبحه كله مع بعض هايم
وزينه رمضان بين بيتى وبيتك تحركها النساييم
ابوس ايده بركه واقول يا شيخنا احترام
امجد سيدى وتصلى على خير الانام
عاشين من زمان كده جوه قلب الايام
شموعى مع قنديلك تمحى جهل الظلام
صلاتى مع ترتيلك زالت كل الالام
عيونا واحده باصه على الديان
آذانا واحده سامعه جرس و
آذان
قلوبنا واحده دقه لو خطر دق البيان

اتعودت اسأل عليك قبل ما اروح انام
طبقتا فى الاكل واحد اغمس خير بسلام
يبقى طعمه جميل اما الحلو فى الوش ابتسام
ودى عيشة محبه راميه اى
الخصام

الصح صح عندنا والحرام حرام
ولو حد فينا مات يأخذالتانى عزاه
ويخرج منه وجع الفرقه ويقول آه
فينك يا صاحبى يا اللى كنت بهواه
ويعيش طول عمره عايش على زكراه
لا عمره سأل فى جنه ولا نار
ولا عن اخلاصه تاه

وده المسلم جارى وده المسجد
اللى جنب بيت ربانى ورباه

حديقة الإنسان

فى حديقة الحيوان كله عادى
كله بيشرب بياكل بينام بينادى
حذر فزر ، حادى بادى
مين بالفرجه فينا بادى
هو إحنا اللى شايفنكوا ولا انتوا اللى شايفنا
انتوا اللى جوه القفص ولا قفصنا مشاعرنا
انتوا اللى بالحجم الكبير اللى باهرنا
ولا احنا اللى شرنا اكبر بسنه
احنا اللى فرجه كبيره
وانتوا بلياتشو فى خيالنا
احنا اللى سمانا غباننا

فيلا احتقروا ذكائنا
اللى متدارى فى غبائنا
احتقروا وشوشنا
مداريه هموم لشوشنا
نشبه القرد فى هلسه الاحبه
الفيل فى ثقله الا عطفه
الاسد فى عنفه الا طاعته
الثعبان فى لدغه الا صمته
الطير فى نفخة ريشه الا قمحه
ارفعوا رأسكوا بلاش الانكسار
محبوسين بس انتوا الاحرار
فيكوا الحمار والثعلب المكار
بس احنا فينا أسوأ الافكار
احنا اللى بره دايقين المرار

هزارنا جد وجدنا هزار
اما العداوه صناعها بابتكار
احنا المحتاجين سلسله
قلوبنا غير وشنا
عقولنا بجهل مكبله
لو جعنا كلنا بعضنا
لو عطشنا شربنا دمننا
لو طمعنا بصينا جنبنا
بنأكلوا وممكن تبقوا اكلنا
حزننا بيولد غلنا
اخلاصنا رهن كسبنا
ولو فرحنا فرت دمعنا
بس الريحه تفرق
بنحط عطرنا

ندارى بيه ترابنا واصلنا
احنا رخاص اوى وانتوا اغلى مننا
والله ما اعرف انتوا اللى بره
ولا احنا اللى هنا

حکمت المحکمه

نده القاضى بعلو صوته محكمه
قام الظالم واللى عنده مظلمه
القاتل واللى عاملها مقتله
قاضى من غير شاكوش فى ايده مقلمه
قلم جاف يدون ورصاص بيمسح ومسطره
لا بيعدم ولا ببشلق ولا عنده مقصله
المحكمه كانت فيها كل البشر
القاضى رب وحاكم البشر
رحيم ولذنوب ياما غفر
واللى ذنبه باقى بأشاره يتأمر
قاضى فوق حدود كل القمر
جنبه شمس شاهده على السفر

جنبه نجمه شاهده على السهر
جنبه قمر جنب وجهه اختفى واندر
واتنصبت المحكمه وكان كله على شكله
على دينه على وطنه على شبابه على عجزه
وقف القاضى ونادى كل واحد بأسمه
بذنبه بهمه بغلطه

قال القضييه الاول الدين

دينك عملك

دينك نقاوة قلبك

دينك صدقك وعدم كذبك

دينك صدقه للى مش دمك

دينك مسامحه لغير عقيدتك

دينك عيونك لما تغلب غضبك

دينك قلبه كلامك و صمتك

دينك اله كان جوه فى قلبك

تانى قضيه قضيه الانسان
اجمعوا كل حكام البلدان
مين كان همه نفسه ومين كان همه الانسان
مين سابها للفساد ومين اداها الامان
مين طمع مين ورث مين جوع مين خان
اتصدمت كل العيون والاذان
وابتدت الثرثره وحروف الكلام
كنا فى الارض يمين وشمال
ابيض واسود حق وضلال
كتاب وكتاب كلام وكلام
دين ودين انسان وانسان
حاكم ومحكوم مفتى وفتان
كله هنا واحد والمهم الافعال؟؟؟؟
القضيه الثالثه قضية النيات
نيه صادقه ونية الحيات

نيه عملت شر وتقصد الخيرات
ونيه عملت خير صدقه من المرات
نيتك شنطتك وانا عارف النيات
عارف مين فى الارض ممثل واتقن اللغات
ومين فى الارض صادق الكلمات
مين نيته سليمه ومين نيته مربوطه بمفكات
النيه تاج على جبين الغلطات
وطلع قاضى السما أرحم
طلع احكم
طلع ما بيندم
لا بيشنق ولا بيعدم
لا بيعاير ولا بيرجم
مش واقف على غلطه ومسامح
بيغفر من مجرد الملامح
يحن على اللى صالح واللى صارح

واحنأ فى الارض نصبنها مسارح
ده مسموح وده مسامح
ده مشروح وده شارح
ده يعدى وده محكوم المكابح
اتارى الارض طلعت أسوأ المطارح

من جوه القلب

فيه كام مكان فى قلبك مكتوب عليه ممنوع النشر
فيه اد ايه كلام مكتوب انه محظور حظر
فيه كام واوضه واوضه وجنبهم على القمه قصر
فيه شوارع فيها ظلمه وفيه كام حته عصر
اتارى القلب صغير بس اللى فيه ماله حصر
هنا فيه اوضه من كتر الناس ازدهمت
ناس عارفها ومش عارفها ومن كترهم ما كفت
ناس كفتهم نزلت وفى تقلها لكفه علت
ناس عدت و ناس جوه شوارعك دخلت
ناس هاجرت من دقات قلبك زهقت

وناس بقيت لدرجه انها لقلبك حكمة
اوضه مفتوحه ولا فى مره و لحظه اتقفلت
واوضه تانيه اسمها اوضه الاسرار
مسنكره ومفتاحها ما يتعرف له قرار
مكتوب فيها لا للنشر لا لكتابه اى قرار
فيها صور كرهتها محطوطه فى برواز مرار
مذكراتك غلطاتك وساعه واقفه بأستمرار
عقارب الساعه القرصه منها فيها سم وفيها نار
صوره ندم على أسوأ قرار
صوره لطريق فيه غبا الاختيار
صوره لواحد بودان كبيره مكتوب عليها
«حمار»

اما الاوضه الجايه فيها وعود وصلاه وبخور
فيها امل تبدأ عمرك من تانى على نور
وعد لربك وتوبه ودموع ونذور

فيها مقام او ايقونه وشمع بينور نور
فيها منبه يرن ويوعد هكون مبرور
ازاي وانت جارر خطايا ومجرور لعالم زور
وترجع تفتح الاوضه (لو) حد مات وعليك الدور
اما الاوضه الاخير هى اوضه الذكريات
فيها ورده ناشفه بين صفحات الكتاب
فيها صوره لاصحاب زمان ومن حبيبك جواب
فيها ذكرى لحد هاجر فيها ذكرى لحد مات
سابوا سيرتهم وسابوا لقلبي ازما
ازمة شوق ازمة حب عدى وفات
حتى ترابها لونها فضته طلع ترابه مجوهرات
حتة ذهب دخلت ايدى بكل عناد
بلوفر صوف دفى جسمى بس القلب خد لفحات
لفحه برد بتقول يا رتنى ما دخلت اوضه الذكريات

آسفه انى مكدتش بالى

حبك ولا كان فى خيالى
أهمالك كان شئ يهنى لى
تسأل و أستخسر سوالى
كنت ببص عليك من على
شمس ساطعه ولا على بالى
اسفه انى مكدتش بالى
أعدى عليك فتبص لايدى
فاتح ايدك قافل عينى
ادور وشى دعوه تدينى
تراب هدومك أخاف تعدينى
ولو أديتك شلت جميلى
اسفه انى مكدتش بالى

اتعب اوى فى فصال بشطاره
بياع قاعد فى حلقه مراره
قرش زياده بشرى ساره
مع المحتاج اقبل بخساره
اديله قرشك وعطفك تاره
اسفه انى مخدتش بالى
بفكر فى اللبس اللى يليق
وتحت عمارتى كتلة ضيق
لبس عياله عمال بيضيق
نفسه من الفقر يضييق
انا فى العالى وهو فى ضيق
اسفه انى مخدتش بالى
(يتكلم) اضحك لحد مااموت
ذوى الحاجه نفس وبتموت
من استهتار عيون بتفوت

صوت عالى وهو سكوت
اشاره بالقلب هيجبك موت
اسفه انى مخدمش بالى
وانت معدى نبج عليك
كلب وجت عينه فى عنيك
قصده يقولك مد ايديك
شويه ميه مش تأديك
لقمه ناشفه الله يخليك
أبكم انا!! ولا قادر أناديك
بس السمع!!! انا مستنيك
اسفه انى مخدمش بالى
عطشان يا زرع تقول اسقيني
من حر الشمس دبلت عيني
ثمرى غداك وما بتروينى

أرضى نشفت وأنت ناسيني
اسفه انى مخدتش بالى
دايما كده نجرى ورا الصعب
فى ايدك تدى كل الحب
تقفل قلبك تبعد بعد
اصل الرجل تدب للى مش بتحب
اصل القلب يريد اللى لابس كعب
اسفه انى مخدتش بالى
حاجات كتير ولا على بالنا
تمد ايديها ونبعد عنها
مع انها ليها جمالها
بص بصره ولا تهملها
عشان مترحش وتبكي عشاتها
اسفه انى مخدتش بالى

لى وطن وجيش

لى وطن اعيش فيه ويأوينى
ولى جيشا من الاعداء يحمينى
وطنا وجيشا اذن قوية يمينى
وطنى سفينة نجاه لو الموج يرمىنى
وطنى بئر مياه لو عطشت يسقبنى
وطنى حياتى ومماتى وقبرا يأوينى
وطنى ربانيا ذكر فى قرآنى وانجلى
وطنى متفرد الجو والتراب وسماه تغطبنى
له جيش سلاحى وعقيدتى ودينى
انا اسدا بجيشى وجيشى عرىنى

انا نسرا مخرج الافاعى من الطين
لا تقدر يا حية بسمك تميتينى
فلو جئتنى ملثما جئتك بجيئنى
لو جئتنى مسلحا انا فولاذ لاى سكينى
لو جئتنى متخفيا أعريك قبل أن تعرينى
لو جئتنى تائبا كنت فى نظرى مسكينى

أطفال الشوارع

رضيع ورممتى فى الطل إنسانه
مظلومه ولا مخدوعه ولا بخوفها مليانه
ولا بستر الليل والظلمه طمعانه
ولا بستر ربها وقوته عشماته
مغطياني فى لفه ولفه شالها عريانه
وجنب سور حطنتى واكله وشبعانه
بس جوع حضاها ليه أنا جعانه
وصرختى مسمعه شارع وحانه
جبتينى ليه يا امه وانتى ندمانه
طاوعتى الهوى والهوا خلاكى بردانه
و بلدك مفتحه وعن عينكى نعسانه

ونیلها وایامها تمر بس ایام ممررانه
 نیلها یاما بکی لما شافنی عیانه
 وعید یجی وعیدیہ نطلبها من عین طلبانه
 وتعدی خلق مهمومه وخلق فرحانه
 وتجری ورا رزقك ولا انتی علی قلقانه
 جریتی حافیہ وخدودك ورده عرقانه
 رجلك تقیله من مشیها وایدیکی خدلانه
 بس قلبك بینبض بیقول نفسی اعیش بکرامه
 وشغله شریفه طلعت جبرت وخلصانه
 وفلوسها خدتیها وانتی منها ارفانه
 واتاریکی زیی یا امه برضه رمیاکی انسانه
 ونرمی بعض وحمولنا هی اللی شیلانه
 وبلد متتوره بس عندنا عامله انها عمیانه
 عامله جاهله عننا،وهی مع الغریب فنانه

بلد بنزقها وهى برضه زقانه
وقدر ملوش ملامح وعيونه سهتانه
وهكبر وانا فى نفس المكان هرمى انسانه
بس مش عارفه هناكل فى بلدنا
ولا هى اللى وكلايه
وهنتعطى
ولا ترابها وبردها وحرها غطانا

بیاعه جراید کتبت بعینها

بیاعه جراید انا قاعده جنب بیت
ببیع اخبار وطن واخبار کل بیت
هنا عدی علی زمن وعلیه عدیت
شفت بلد اتباع ورجعت من جدید
و شمس اشرفت وشمس قالت انطفیت
وشباب یأس وشباب کان بقوه عنید
وناس وقفت فی میدان وشبکت الاید
بلد حاربت بشباب قال مات وقال عمیت
ورشاش میه ما قدر علی قلب من حدید
ورشاش فتنه ما قدر علی هلال جواه صلیب

وبلد اتسرقت وجه فارس لجامه فى ايد
وايده التانيه عدت شعب من نار كانت بتقيد
بس لسه فيه ايدى بتقول افتريت
ووشوش بتضحك وتقول غشيت
وضباب على عين بلد ولو من فجرها صحيت
يا ورد الجنابين شوكتك شكشك الايد
يا ورد مين اشتراك مبقتش بلدى لو شमित
فتح كده وصحصح واعرف مين ملوك وعبيد
شيلوا الغمام على عينكوا واشكره لو اتعشيت
واعرف ان جيشك حبل على رقبه من يحيد
تعالى اقرا اخبار بلدك بقالك سنين ما قرئت
كل من كل سطر حته وقول اتغديت
فيه مملح وفيه حلو دوق طعم وطنك الجديد
بس. اللى بناها حلوانى حلف انا اللى بنيت

بلاش اللبان وتمدغ فى سيرته وتقول اتسلت
وطنك ده اسمك عمرك لاسمك فى مره نسيت؟
لو لفيت بجرنالى حاجه انت بعت ما اشتريت
ولو لفيت الدنيا ذى هواها ما هويت
الى كتبه عيون شافت وضحت
وعيون تقول بكيت

قالوا عليك متعصب

قالوا عليك متعصب خفت اقرب منك
يدوب سلمت عليك وعلى اسمك سألتك
لما رديت سلامي، على الفطار عزمتك
وكلمه جرت كلمه ومن كلامك عرفتك
طلعت طيب اوى ومن الشر قلت سلامتك
وطلع اللى قال كده ولا يجى زيك
يقول زى ما يقول انا خلاص صاحبتك
كبرت عنى، صغرت الحب خلانى فى سنك
راحتى معاك بقت ومعايا كل راحتك
نأكل مع بعض ولو أكح ،تقول سلامتك

احتجتك ديني ،احتجتني سلفتك
وصبحت انت أمانى ولا عمرى اخاف منك
ليه دايمنا نخاف من بعض شوف اصلك واصلك
مصرى اصيل ولو كتابى اختلف عنك
جدودنا فراعنه بالطيبه بنوا طيبه وطنى ووطنك
رسموا على الجدران حكاوى فى قلبى وقلبك
اسف لو خفت لحظه او ثانيه بس منك
يا مسلم يا جارى وصاحبى وبلدى هى بلدك
كنت ممكن ابقى اخوك او حتى من عيلتك
لا وطن اختارناه ولا دين ،
اخترت بس اكون فى قربك

ده الشعب

اسمر لونه يحب بقلب
ايده عفيه تغلب صعب
قلبه طيب اطيب قلب
بيته مفتوح ولو للغرب
ده الشعب

يصحى الصبح بحب يصبح
لو نام متأكد ولا بيلمح
وش بشوش عقل مصحح
حب مدارى فعينيه تفضح
ده الشعب

دينك غيرى عرفت صدقه
من كلمه او فى الايد رسمه
ولا اتغير ولا عندى فكره
حب يزيد وتطول العشره
ده الشعب

نور اتقطع تدينى شمعہ
ابكي فى حزن تشاركنى بدمعه
تقيل الحمل تشيل بهمه
اصلى الاحد تصلى الجمعه
تقول يارب آمين انا سامعه
ده الشعب

رايح شغلى فى بالى احبابى
معايا همى ومفتاح بابى
جارى وسندى وكل اصحابى
يتحمل وجعى او حتى عتابى

يدافع عنى ولو فى غيابى

ده الشعب

شعب مصرى اصيله يا بلدى

ريحتك ريحة الورد البلدى

ازهق منك ولا تزهقى منى

ابعتر فيكى وانتى تلمى

وارجع تانى مالى غير انتى

ده الشعب

ربك

ربك حلو حلاوه وطيب
وراك قدامك يعنى قريب
نعمه حلوه و ما تتعيب
ينسى الجرح اوام ويطيب
كاتبك حاضر لو متعيب
كاتبك ابنه ولو متعيب
ربك رب عيون و قلوب
يحاسب بالفطره يدوب
ويسد عنك وينوب
ويستر ويداري عيوب
فكرك ظاهر له يدوب

مهما نويت لذنوب
يدارى ويقولك توب
ربنا لو سمح بالشر
اكيد خير عليه مصر
عايزك تفرح. بيه تتسر
اوله على قلبك مر
بس اخره حلو مسكر
احلى من شهد مكرر
كنت فاكر انى اتظلمت
وانى على حبايبى هنت
اتارى من جهلى كنت
مش عارف انى اتحصنت
من شر و بايدى اترفعت
كان زمانى فى لحظه ضعت

كان زمانى بكيت ندمت
كان زمانى حتى مت
ربك فى السما عالى
عالى بس مش متعالى
بشوفه فى حلم جالى
بشوفه فى نجاح عيالى
بشوفه فى تحقيق امالى
بشوف طيبته فى خيالى
بشوف حنانه مثالى
و بشوف عطاءه لىالى
وبشوف لحزن نسانى
ربك ظاهر حاضر تملى
بيقولى او عى تملى
تشوفنى بس لما تصلى
الاقيه و مهما حصلى

نجيت من فح اتعملى
فكر بيا حبيب هملى
جالى فجاه واعتذرلى
ما احلاك انت يا ربى
ما احلاك انت يا ربى

نفس القلب ونفس الورد

نفس القلب ونفس الورد
نفس الحرف ونفس الكلمة
نفس الفكرة ونفس المعنى
كنت انا اللى فى قلبك فاكرة
طلعت فى قلبك مجرد نسخه
كلمة منك كانت الاسمى
حبة حب كانوا القسمة
قسمت قلبى وظلمت القسمة
حتة ظلمة وحتة عتمة
خريف قلبى ورقه غطى
بكى ربيع قلبى بحرقة

وعين نزلت ما نفعت قطرة
وخطوة ليك انكسرت كسرة
وايد للايد التانيه عبرة
وعيون سهرت تشوفك بكرة
ومخده بدالك فى حضنى ضمة
فوقتنى من غيبوبتى بضربة
كسرت قلبى الضربة القاضيه
بس رجعت لعينى النظرة
عينى شافت يومى وبكرة
شافت الضرر وشافت الدرة
شافت هزيمة وشافت نصرة
شافت فخ وشافت حفرة
شافت صح وشافت غلطة
شافت رقمك قفلت رنة
رنة قلبك كانت نعمة

يا اللى صورتك كانت قمره
يا اللى ضحكك كان فرحة
يا اللى عيونك كانت نجمة
وقع على بياض قلبى بقعة
نظفت ونستنى السكره
لميت كل مشاعرى فى شنطة
وسافرت وقررت الهجرة
الطفل بعد الغلطة نكرة
الملكة لو حفيت جارية
الحمل بعد دبحة فروة
المية على الارض مطرة
غسلت قلبى ورحت نشرة
على حبل الوجع والقهرة
ورجعت تانى بعد الذكرى
وبقى لكل القلوب عبرة

رجوعى عن حبك قرار

قرار مش مجرد فكرة

جواب یصل لرئیس مصر

الاسم • عبد الرازق فرحان

السن • عشرين جرى وعشرين شقى وعشرة جعان

السكن • بيت صغير فى ام الدنيا وبلد الجدعان

عزيزى رئيسى

بكتبك جواب على ورق البردى وانا بردان

دى رسالة ولا عاوز لايك ولا تعليق ولا استئذان

انا مصرى ومواطن وعبد الرازق ومش فرحان

زعلى متدوب مع فرحى وبشرية من قعر الفنجان

غضبى قاعد على حجر املى بيحكيله حكاوى زمان

طرت لفوق فجاء وقعت بعد ماخذت على الطيران

شلت بأيدى ميت ثوره وبايدى شلت العميان

بايدى شلت العلم وبايدى شلت الاخوان

ليا معاك بس يا ريس كلمه مع كام سوال

هى مصر هتحيامتى وهى اعظم البلدان
 ازای اتحمل حرها وخانقنى حزام الامان
 ماتيجى بقى نقعد سوا وتكلمنى بكل حنان
 نور عينيك بس ازای وانا وشى مطفى وهلكان
 شوف بعينيك ننى عينيك قاعد يحسب بكرة بكام
 ماسك يومه زنقه فى حيطه انه ما يولد تانى ايام
 ولا الفراعنه جت لغنتهم بعد ثورة بعد ميدان
 سيب مكانك يلا وخش جوة بيوت جوه غيطان
 ادخل بيتى عيش حياتى هتقوم من رعبك عرقان
 وادخل بيت سارق بلدى نافخ ريشه وریشه نعام
 عيش جوه بيوت وحوارى جوه قهاوى واطلب شای
 اشرب قهوة مرها غطى على اكله منها ارفان
 عيش فى قلوبنا هتسمع نبضه مصر وريس جوه كيان
 مجلس نايم كرسيه عايم مصنوع من دم الغلبان
 وقرارة بينقط سكر خلانى بالسكر عيان

مصر غنيه بس فقيرة مصر صبية بطقم سنان
فيها النيل وسمكه ميت شارب توهه فى التوهان
فيها هرم واقف يبكى مع زائر راح له فرحان
فيها عقول منها الصاحى والمتغى والنيسان
فيها ايادى للخير بتنادى وايادى تهد البنيان
فيها خير طالع بره مسكاه ايد الامريكان
ليه لما تيجى سيرتك جارى يقوم يبكى وندمان
وتقلب القعده غم بعد ما كانت سهرة جنان
وحدنا يا ريس تحت علمنا خلى الابيض فى علمى بيان
عيش جوانا يا ريس لحظه عيش جوة رغيغ الغلبان
حط فيه حطة كفته حبة فول مش طمعان
وافتكر علمت عليك بالازرق وبخط بيان
ومضيت وبكامل عقلى عبد الرازق وكان فرحان
عبد الرازق وكان فرحان

فى المستشفى

كله باصص على كلمه بالشفاف
ناس كئيبه وناس قاعده ماريفا
ناس بوخر الحقن اجسامها مزفزا
وناس محقونة فى قلبوها من مر الجفا

فى المستشفى

عيون مفتحه ومستنية قضاها
وعيون مغمضة من خجل اللى رائها
وعيون مدمعة من حسرة جواها
وعيون لسه هتفرح لما المرض ينساها

فى المستشفى

تسمع صوت انين وكلمه آه كثير
متسالش ليه ،دى آه من غير تفكير

آه على الالم ، على وجع المرير
آه على بيوت مشتاق ليها اللى راقدين على السرير
فى المستشفى

وجوة غريبه و راضيه بالقدر
فيهم اللى خف واللى هجر
فيهم اللى اتعفا واللى اتقبر
واللى مات فى يوم واللى لسه منتظر
فى المستشفى

شبابيك جميله و بصره على برة
تلاقى ناس ماشية وعيشتهم مرة
واللى جوة امر مرارة متحلاش بالمره
شباك فيه شمس غريبه مش من نفس المجره
فى المستشفى

ملايكه رحمه ولبس ابيض ناصع
واحد سامعك وواحد ما هو سامع

واحد بیدای و واحد یروح قاطع
قاطع جرحك بكلمه وكلامه ما يراجع
فى المستشفى

متالم وراضی و جای یسأل علیک
شاکى و باکى و بیسند على ایدیک
جرحه عمیق آل و جای یداویک
مریض جنبک بضحکه یسلیک
فی المستشفی

واللى مش نايم وعامل أنه نايم
واللى نايم من تعبته الدايم
واللى متشال على سرير عايم
واللى متلج من حرارته

واللى فى تلاجه وعمره ما هو قايم
فى المستشفى

هدوء و صراخ و صمت

وناس وشها فيه اسباب
واللى مبتسم شحات قاعد على الباب
أوظفل فى أيد أمه

ميعرفش ان زيارته عقاب
اللى بيزور واللى معذور

وياما جوه الجراب
فى المستشفى

انفد بجلدك وحافظ على نفسك
واضحك فى كل ثانية فى نفسك
الدنيا قاسيه حننها انت بقلبك
والصحة حلوه طول ما انت متقى ربك
فى المستشفى

قوية من غيرك هيهات

فأنت آدم بداية الكون وأول المخلوقات
لو جنة أنس لى ولو قبر أنت مكفن الرفات
انا من ضلعك وجدت بأمر من خالق السموات
قوية من غيرك هيهات

قصصت شعر شمشون وعاد للإنبات
اوقعت ادم بتفاحة فعوقبنا بدرجات
حكمت مدنا ولكن بمشورتك مضت البلاد
جمعت الزرع بيدي وانت حارثة
وساقية وبائع الثمرات
قوية من غيرك هيهات

تتحمل منها حكاوى طويلة و خيالات

ثرثرة و خطايا من عاش و مات

تأنيب و تقليب أمر الزكريات

عبنا ماديًا و قوائم طلبات

قوية من غيرك هيهات

واجهت آلام المخاض

و يدك تحتوى الصرخات

علمتها تقود عملا و يوما و تقود العربات

علمتها ترقص فتتبع معك كل الخطوات

علمتها تسبح فى بحار الحياة بلا عوامات

قوية من غيرك هيهات

قدت ذاكرتها لو وقعت فى سهوات

قدت بها قطارا و طائرة و دوست مطبات

قدت بلادا و حروبا ، مومرات و وخزات

قدت عبادة فانت إماما ورافع صلوات
قوية من غيرك هيهات

الجيش لك وحدك يا مفتول العضلات
تتحمل صقيعه وحره وجنون السموات
انت قائدا ضد الطغاة ومتقدم الثورات
مطببا، وطاهيا ومدربا لاسود وحيات
قوية من غيرك هيهات

انت المعجب وسارق القلب و النظرات
انت العازف لارقص، فنان، ومصنف قصات
متذوق الطعام بحنكة ومفرق النكهات
صانع الخبز بعرق متصبب من الجبهات
قوية من غيرك هيهات

لولاك ما وجد فستان زفاف ومسرات
لا حلى ولا ذهب ولا دمع ولا شعر ولا ابيات
لولاك ما وجد اناس على الارض اولاد وبنات

لى ظهرا ولكن يدك تغذية طبطبات
قوية من غيرك هيهات
انت الاب والاخ والعم والخال وعجوز عاش ومات
انت الرجل الذى قالوا ظلك
ولا ظل حائطا يا أقوى الحمات
انت لو سفية قومتك فصنعت منك
قديسا ببركات
انت الاب ادم مالى الكون بنين وبنات
قوية من غيرك هيهات

كفاك حزنا بنيتي

كفاك حزنا بنيتي فالحزن يجعل العين لا تنام
الحزن يميت الجسد والروح معا احيان
انا مت وكفاني من الدنيا سنينا وايام
انظري صغيرتي في مرآتك وتزيني بالالوان
مالك ومال الحزن لاجلى والالام
حق لكى ان تحزنى ولكن كفاكي احزان
انتى رقيقة الاحساس ضعيفة البنيان
لقد تركت ملامحى فيكى نحن واحد لا اثنان
عيونى عيونك ولكن عينك بالدمع ملىان
نعطى راحة لمن يرانا وبالمجان
انفضى دمعك وامسحيه بيد انسان
يدا فيها امل يدا فيها حنان

انا لست فى قبر انا فى افضل مكان
لست فى تراب انا فى دوحة الاحلام
بجوار الله اوصيه عليك باطمئنان
لا تخذلىنى بحزنك وكثرة الاوهان
يا ملاك طائرا بين الورود والافنان
اضحكى وسمعينى دقات قلبك الفرحان
كونى ملكة منصفة لا تكونى سجان
لا تسجنى شبابك فى حبى والا سيدوب ذوبان
فالايام سيفا العبى به ولا يذبحك ولو سنه سنان
عودى كما كنتى وجهها يزهر روعه وجمال
لا تزوري لي قبرا فالقبور للاموات
لا لفراشات الافنان

هو انت لسه يا ربى موجود

هو انت لسه يا ربى موجود
وبكرمك ليا عمال تجود
اقسى وابعد وانسى وعود
هوانت لسه يا ربى موجود
هوانت ياربى لسه طيب
ابعد وانسى وتقولى طيب
لا بتعنف ولا بتعيب
ودايما جنبى واقف قريب
هو انت لسه يا ربى موجود
كله تحت من صنع ايديا
ابص للسما تشوف عنيا
شمس وقمر وسما مغطيه

مطرة وظله ونجمه ورديه
هو انت لسه يا ربى موجود
اشم هواك وناسى دفاك
اكل خيرك و مش معاك
رجلى صنعك ومش وياك
عينى صنعك ومش شيفاك
هو انت لسه يا ربى موجود
ابعد واجرى فى خير اراضيك
ومش بفكر مره اراضيك
جاي فى صفى وانا عليك
مدينى حقى ومش بديك
هو انت لسه يا ربى موجود
بصيت لسماك لحظه لقيت
كله صنعك صنع ايديك
كله شايفه قدام عنيك

ولا هاممنى ولا اباليك
هو انت لسه يا ربى موجود
ماشى فى عنادى و لا بتاثر
بحلم وبمزاجى افسر
اضحك العب از عل اكشر
وانت ممكن بسهولة تكسر
بس انت لسه يا ربى موجود

لم أعد أعطيك وردى

لم أعد اعطيك وردى

فحديقتى اكتفت بما فيها

بنيت لها سورا اصبحت من الان يداريها

اشتريت لها بستانى لكى ما يراعيها

لم تعد انت الساقى الذى كان يسقيها

فلك حديقة غناء! اسميها ما تسميها

حديقتى ذبلت واغلقت بابها لاى طارق فيها

سئمت ورودها الاشواك التى تمحو امانيتها

سئمت عطاءها الكبير ولا تجد من يعطيها

تنادى تنادى اسمك ولا تجد من يناديها

اعطت واعطت ولم تاخذ

الازائرا للمر كان يسقيها
زائرا ياتى لحظة يسقيها
نقطة فتشتاق لساقها
ولما عذاب العطش؟ ويوجد من يرويها
ايها الساقى العابر ابعء بماءك
الذى يكويها
لون زهورى تبدل الاحمر
صار اصفرا يبكيها
ياسميننا !
وفلا!

ووردا بائعا لم يدانيها
صارت ارض زهورى
وسوق العبيد يناديها
ساعيد ترتيب اماكنها

ساغیرھا من اسفلھا لاعالیھا
ستنھض بعد ان فقدت ساقھا وساقیھا
فالساقی عز زیارتھا وعز ان یراعیھا
فالاحتیاج للماء اصعب من الاحتیاج لمن یغذیھا
فیا الله لا تجعلنی ابحت
عن ساقی و عندی اعظم ساقی لیھا

نفسى أرقص معاك سلو

لا عيون تشوفنا ولا قلبى ناس يكسفوة

ودقات قلبى فى لحن تتوة

نفسى ارقص معاك سلو*

ايدى تكون فى ايدك ولحن حلو نسمعة

عينى تكون فى عينك واى فكر نودعة

ورمشك لو تاة اقوم بقلبي ارجعة

نفسى ارقص معاك سلو*

نفسى اكون معاك على راحتى

ويبقى حضنك هو راحتى

انام وانسى الكون براحتى

نفسى ارقص معاك سلو*

روحى واخدة من روحك ميعاد

وبيتقابلوا من غير ميعاد

اقول كلمة الاقيها منك تتعاد

نفسى ارقص معاك سلو*

نفسى اترجم قلبى بيقول اية

ودقاتة اللى بتوجع بنت الاية

تقولى كلام واحن الية

نفسى ارقص معاك سلو*

نفسى البس فستان احمر

من غير ما احط فى وشى احمر

اصل كلامك هيخلى احمر

نفسى ارقص معاك سلو*

احكىلى شعورك بنظرة بلمسة ايد

ما هى عنيك سبب الحيرة والتنهيد

انسى وارجع الاقى شعورى اكيد

نفسى ارقص معاك سلو*
خلينى احبك من سكات
الصمت بيكون افضل ساعات
ونظرة منك قلبى مات
نفسى ارقص معاك سلو*

مقسوم نصين

تكرر انك مقسوم نصين
وكل نص مقسوم اتنين
وكل اتنين جواك تايهين
بيخرجوا يمشوا ساعات
او يتحبسوا مع المساجين
جواك وحدة ويتم وليل
وجواك هيصه وزار لعليل
جواك نبض ودم تقيل
وبره وش لبلياتشوا بيضحك ف البنأدمين

افتح كده حنفية قلبك هتنقط فرح وانين
هتنقط ذكرى جميله ملفوفه فى دمعتين سخنين
وماضى زى السوليفان متربط ويتفك فى دقيقتين
حنفية بتنقط بشر بيسموهم بنى آدمين
وبشر فى الارض اتبشر شر وساكنين
وهتلاقى وريد يوصل لجنيته كلها بساتين
ووريد فيه نزع لماضى بركة و براكين
و على شمالك هتلاقى
قلب بيدق اسامى لبنادمين
واسامى تانيه ومنسيه
اصل اصحابها منسيين
تاهتوا و بنادى عليهم
يا ولاد الحلال تايهين
ويدوب بنزور مقابرهم

ونشم ف ريحة الميتين
ادخل حيى علم قلبك واعمل
سلام للوطنيين
الى دخلوا قلبك ولا هاجروا
ولا راحوا لقلوب تانيين
حيى الحته المجنونه فيك
وادخل لسراية المجانين
اتجنن، العقل تمثال متترب واقف لسنين
خش جوة تلاقى صوان
وقاعة فرح فيها معازيم
اشرب قهوة بسكر مرة
وشربات بريحة الياسمين
اسمع اغانى وتراويل وآيه

تبكى القديسين
اقعد حبه على شط بحرك
موجه على لحد الليل
اما الفجر بيهدى
ويهدى سمكه بس للغاليين
جوه شجرة صبر وطارحة
ضحكة وفرحة ونكتتين
بس لوثمرها جبر تهد جبال بأيديك الاتنين
جواك عطف يحرك حجرة وجبروت اعنى السلاطين
وهدوء الحمام لو طار طار جواك حمم براكين
جواك يأس وامل تابوت ، وبطن شائلة جنين
مقسوم يا بنى ادم نصين نص طائر للسما
ونص مدفون فى الطين

محتوى الكتاب

2	بطاقة الكتاب
3	الإهداء
4	ثورة زوجة ثانية
7	كابوس فى ليلة 30 يونيه
11	رسالة إلى مصر
14	أنتيكات
17	حزن بالألوان
20	ورق العنب
22	بائعة الفل
24	المراهق العاشق
27	رحلة لن تكتمل
29	مسجد جنب بيتى
32	حديقة الإنسان
36	حكمت المحكة

- 41 من جوه القلب
- 44 آسفه إنى ماخدتش بالى
- 48 لى وطن وجيش
- 50 أطفال الشوارع
- 53 بياعة الجرايد كتبت بعينها
- 56 قالوا عليك متعصب
- 58 ده الشعب
- 61 ربك
- 65 نفس القلب ونفس الورد
- 69 جواب يصل لرئيس مصر
- 72 فى المستشفى
- 76 قوية من غيرك هيهات
- 80 كفاك حزنا بنيتى
- 82 هو انت لسه ياربى موجود
- 85 لم أعد أعطيك وردى
- 88 نفسى أرقص معاك سلو

91	مقسوم نصین
95	محتوی الکتاب